

UDAL BATZARRAREN BILERA AGIRIA

BILERAREN EZAUGARRIAK

Bilera Zkia: 2/2008

Data: 2008ko martxoaren 10

Eguna: astelehena

Ordua: arratsaldeko 19:30ean

Lekua: Udalaren Bilera Aretoan

Bilera mota: ez ohiko eta presakazko bilera.

Deialdia: 2008ko martxoaren 10ekoa

PARTE HARTZAILEAK

LEHENDAKARIA:

Ignacio Javier Garmendia Arruabarrena

ZINEGOTZIAK

Mikel Garmendia Suquia

Jose Ignacio Irastorza Garmendia

Santiago Fermin Garmendia Gorostidi

IDAZKARIA:

M. Soledad Alcayaga Garmendia

Hasteko eta Lehendakaritzaren baimenarekin, Idazkariak bilera egin daitekeela adierazten du, apirilaren 2ko 7/85 Legeko 46.2c) artikulua araber, bilkura egiteko beharrezko kide kopurua bildu delako.

Jarraian, eguneko aztergaiari jasotako puntu bakoitzaren azterketari ekiten zaio.

Aztergaien zerrenda:

1.- BILERA HONETAKO DEIALDIA BERRESTEKO PROPOSAMENA.

2.- SAHARAR ERREPUBLIKA ARABIAR DEMOKRATIKOAREN 32. URTEURRENA DELA ETA ADIERZPENA.

Alkatearen lehendakaritzapean eta aurrez hartutako erabakiari jarraituz, goian laburbiltzen dena, segidan azaltzen diren pertsonen, aipatu den leku eta datan batzartzen dira, bere izenaren alboan agertu diren ordua azalduz.

ESAN EGINAK

1.- BILERA HONETAKO DEIALDIA BERRESTEKO PROPOSAMENA.

Gaiari dagokion zehaztasunak jaso ondoren, Udal batzarrak, aho batez, onetsi egiten du bilera honetako deialdia berresteko proposamena.

2.- SAHARAR ERREPUBLIKA ARABIAR DEMOKRATIKOAREN 32. URTEURRENA DELA ETA ADIERAZPENA.

GAINTZAKO UDALAK Otsailaren 27an Saharar Errepublika Arabiar Demokratikoaren (SEAD) aldarrikapenaren 32. urteurren ospakizuna dela eta; Saharar gatazkaren inguruan gertatutakoak aztertuta; dagoeneko hiru hamarkada baino gehiagoz luzatu den gatazkak, saharar herriak berezkoa duen erabaki askatasunaren eskubidea erabili ondoren, irtenbide baketsu eta behin betikoa behar duela aintzat hartuta, **honako ADIERAZPEN hau aurkezten du:**

GAINTZAKO UDALAK BERRETSI egin nahi du saharar herriak askatasunaren eta autodeterminazioaren alde duen borrokaren aldeko konpromisoa. Saharar herriak, Nazioarteko Zuzenbidean eta Nazio Batuen eta nazioarteko hainbat erakunderen ebazpenetan ageri denez, bere etorkizuna erabakitzeko berezko eskubidea du; izan ere, lurralde hori oraindik ere konpondu gabe dagoen kolonizazio prozesu baten menpe egon da.

GAINTZAKO UDALAK POLISARIO Frontea **ZORIONDU** nahi du –saharar herriaren legezko ordezkari bakarra– Nazio Batuen Segurtasun Kontseiluak onartutako 1754 eta 1783 ebazpenetan ezarritako negoziazio prozesuen bidez irtenbide zuzen, baketsu, demokratiko eta egonkor baterantz aurrera jotzeko duen konpromisoagatik. Negociazio prozesu horri esker, Magrebeko eskualdean bakea eta egonkortasun politikoa lortzeko itxaropena mantendu da, baita herritarrentzat ongizate maila handiagoa lortzeko aukera ere, herritarrak baitira, azken finean, gatazkaren ondorioak jasaten ari direnak.

GAINTZAKO UDALAK ESKATU nahi die Nazio Batuen Erakundearen Segurtasun Kontseiluari, eta bereziki erakunde horren idazkari nagusi den Ban Ki-mooni, bai eta Mendebaldeko Sahararako Ordezkari Pertsonala den Peter Van Walsuni, Europako Batasunari eta bertako gobernuei ere: eskura dituzten baliabide demokratiko guztiak baliatuz, Marokoko Gobernuari behar adina presio egin diezaiotela POLISARIO Frontearen antzera aktiboki, uste onez eta aurre-baldintzarik gabe 1754 eta 1783 ebazpenek ezarritako negoziazio prozesuetan parte har dezan, saharar herriaren autodeterminazio eskubidea bermatuko duen eta bi aldeentzat onargarria izango den irtenbide politiko batetara heldu ahal izateko.

GAINTZAKO UDALAK Espainiako Gobernuari **ESKATZEN** dio–Mendebaldeko Sahararen deskolonizazio prozesuan erantzukizun historikoak eta juridikoak dituen gero, bai eta nazioarteko harremanetan indar handia ere– lan eraginkorragoa egin dezala, NBEren eta EBren baitan, saharar gatazkari irtenbide azkarra, bidezkoa eta iraunkorra lortzeko.

GAINTZAKO UDALAK Marokok hartutako lurraldeetan saharar biztanleen giza eskubideak eta oinarrizko askatasunak behin eta berriz urratzen direla **SALATU** nahi du. Saharar preso politiko eta gerra preso guztiak berehala askatzeko eskatzen du, baita gaur egun *desagertuta* dauden pertsonak non dauden argitzea ere.

GAINTZAKO UDALAK Saharar preso politikoak **ZORIONDU** nahi ditu, eta Mendebaldeko Saharako herritarren giza eskubideen eta oinarrizko askatasunen alde egindako borrokaren balioa aintzakotzat hartu nahi du.

GAINTZAKO UDALAK ESKAERA hau egiten die errefuxiatuen bizi baldintzak babesten diharduten nazioarteko erakundeei (ACNUR, PAM): beharrezko ahalegin guztiak berehala egin

ditzatela, aitzakiarik gabe, Tindufeko saharar kanpamenduetan bizi diren errefuxiatu guztien bizi baldintza duinak bermatzeko. Horren haritik, ECHO giza laguntzarako europar bulegoari berariazko deia egin nahi dio, saharar herriaren aldeko lankidetzaren programak etengabe areagotu ditzan.

Era berean, eta berriz ere, Europako gobernuei, bereziki Espainiako Gobernuari eta autonomia-erkidegoetakoiei, fondo bereziak bideratzeko eskatzen die, errefuxiatu sahararrak jasaten ari diren elikagai krisi izugarriari aurre egin ahal izateko. Erakunde batzuek ohiko laguntzak ematen dituzte lankidetzaren proiektuetara, baina eskatzen ari garen ekarpen hauek ez lirateke dagoeneko bideratzen diren laguntzetatik kendu behar.

GAINTZAKO UDALAK ESKAERA egiten die nazioarteko erakunde eskudunei, NBEko Segurtasun Kontseiluari eta Europako estatuetakoko gobernuei ezen eska diezaietela Marokoko Gobernuari eta tartean egon daitezkeen enpresei Saharako Mendebaldeko baliabide naturalak bidegabeki miatzeari eta ustiatzeari uzteko. Izan ere, saharar herria da baliabide horien jabe bakarra, eta hari dagokio baliabide horien kontrola.

Adierazpen hau bidaliko zaie NBEko Idazkari Orokorra den Kofi Annan-i; Nazio Batuetako Presidenteari; Europar Parlamentuko Presidenteari; Espainiako Gobernuako Presidenteari; SEAD-aren Gobernuako Presidenteari; EAEn SEADk duen ordezkariari eta, era berean, Estatu Espainolean duenari.

Eta bileraren helburua beteta, bileraren Lehendakariak, Alkateak, bilera amaitutzat eman zuen, arratsaldeko zortziak zirenean.

O.e.
Alkateak

Sin. Ignacio Javier Garmendia Arruabarrena